



ЎЗБЕКИСТОН РЕСПУБЛИКАСИ ПРЕЗИДЕНТИ ВА ҚОЗОҒИСТОН РЕСПУБЛИКАСИ БИРИНЧИ ПРЕЗИДЕНТИНИНГ АМАЛИЙ УЧРАШУВИ



25 сентябрь куни Ўзбекистон Республикаси Президенти Шавкат Мирзиёев ва Қозоғистон Республикасининг Биринчи Президенти — Элбоши Нурсултон Назарбоевнинг амалий учрашуви бўлиб ўтди.

Учрашув Қозоғистон томонининг таклифига биноан Туркистон вилоятининг Ўзбекистон билан chegaradoш худудидаги Сариағаш шаҳрида ўтказилди.

Икки мамлакат етакчилари Ўзбекистон — Қозоғистон стратегик шериклик муносабатларининг бугунги ҳолати ва истиқболларини муҳокама қилиб, минтақавий ва халқаро аҳамиятга молик долзарб масалалар юзасидан фикр алмашди.

Коронавирус инфекцияси глобал миқёсда тарқалишининг оқибатларини тез фурсатда енгиб ўтиш мақсадида ҳукуматлар даражасида яқиндан мувофиқлашув ва самарали ҳамкорликни давом эттиришга алоҳида эътибор қаратилди.

Икки томонлама савдо ҳажмини ошириш ва товар айирбошловининг ўзаро келишилган кўрсаткичларига эришиш учун қулай шароитлар шакллантиришни давом эттириш, қабул қилинган қўшма "Йўл харитаси" доирасида sanoat, энергетика, қишлоқ ҳўжалиги ва транспорт соҳаларида

кооперация бўйича устувор лойиҳаларни амалга оширишга кўмаклашиш, худудлараро алоқалар ва гуманитар алмашувларни кўллаб-қувватлаш муҳимлиги қайд этилди.

Шунингдек, минтақавий шерикликни, жумладан, 2019 йил ноябрь ойида Тошкент шаҳрида ўтказилган Марказий Осиё давлатлари раҳбарларининг иккинчи Маслаҳат учрашуви якунида эришилган келишувлар асосида илгари суриш масалаларига тўхталиб ўтилди.

Бундан ташқари, МДҲ доирасидаги ўзаро манфаатли ҳамкорликнинг асосий йўналишлари кўриб чиқилди. Суҳбат чоғида Шавкат Мирзиёев ва Нурсултон Назарбоев қардош Ўзбекистон ва Қозоғистон халқлари ўртасида яхши қўшничилик ришталари ва ҳар томонлама алоқаларни мустаҳкамлашда доимо қатъий эканликларини яна бир бор таъкидлади.

Учрашув ҳар доимигдек очиқ ва дўстона руҳда ўтди.

ЎЗА

Ўзбекистон Республикаси Президенти Матбуот хизмати сурати.



Муносабат

Дунё эътироф этаётган Ўзбекистон

Танзила НОРБОЕВА, Олий Мажлис Сенати Раиси

БМТ Бош Ассамблеясининг 75-сессиясида давлатимиз раҳбарининг она тилимизда чиқиш қилгани улкан тарихий воқеа ўлароқ, ҳар биримизда фахр-ифтихор туйғусини уйғотди. Халқимиз ғурурини юксалтирди, кўнглимизни тоғдек кўтарди. Зеро, ўз замонларида Амир Темур, Навоий, Бобур каби улуг ватандошларимиз сўзлаган, унинг ривожини йўлида қайгурган она тилимиз жаҳоннинг энг нуфузли минбаридан жананг сочини Ватанимизнинг бой ўтмиши, бугуни ва фаровон келажagini ифода этувчи муҳим воқеалиқдир.

Ушбу мамлакатда тинчлик, осойишталикни таъминлаш ва мавжуд вазиятни барқарорлаштириш борасида ижобий силжишлар кўзга ташланаётганлигини айтиш зарур. Президентимиз ташаббуси билан 2018 йилда Тошкент шаҳрида Афғонистон бўйича йирик халқаро анжуман ўтказилди. Ушбу халқаро тадбирдан кейин Афғонистонга бўлган муносабат тубдан ўзгарди. Яъни унга хавф-хатар туғдирадиган, уруш бўлиб ўтаётган мамлакат сифатида эмас, балки энг яқин қўшни ва ишончли ҳамкор сифатида қараш аънанаси шакллана бошлади. Бугунги кунда афғон заминидида жуда катта лойиҳалар, дастурлар татбиқ қилинмоқдаки, бу ушбу давлатнинг иқтисодийтини тиклаш, савдо-иқтисодий алоқаларини мустаҳкамлашга хизмат қилмоқда.

72-сессиядаги нутқда Марказий Осиё давлатлари ўртасидаги муаммолар, ўзаро дўстлик ва ҳамкорлик ришталарини янада мустаҳкамлаш масалалари ҳам тилга олинган эди. Йиллар давомида чегара, сув таъминоти, савдо-сотиқ йўналишларидаги ишларда бир қатор муаммолар йиғилиб қолган эдики, давлатимиз раҳбари томонидан уларни баҳамжихат ҳал қилишга қаратилган Маслаҳат кенгашларини ўтказиш ташаббуси илгари сурилган эди. Натияжада минтақамизда мутлақо янги муҳит шаклланди. Марказий Осиё давлатлари ўртасидаги ўзаро дўстлик ўзининг тарихий ўзанларига қайтди, борди-келдимиз яхшиланди ва халқларимиз ўртасидаги алоқалар янги босқичга кўтарилди.

Учинчи йўналишдаги масала бу — Орол денгизининг қуриши муносабати билан юзага келган фожаянинг оқибатларини бартараф этиш бўйича илгари сурилган ташаббус. Бугунги кунда бу борадаги саъй-ҳаракатлар натижасида Бирлашган Миллатлар Ташкилоти шафелигида Траст фонди ташкил этилди. Энг етакчи мамлакатлар, халқаро ташкилотлар кўмагида маблағлар сафарбар қилиняпти. Бу чора-тадбирлар тўғрисида Оролбўйи аҳолисининг турмуш даражаси тобора яхшиланмоқда.

Бундан ташқари, Мърифат ва диний бағрикенглик тўғрисидаги БМТ резолюциясини қабул қилиш ташаббуси илгари сурилган эди. 2018 йилда ушбу резолюция қабул қилинди. Шунинг алоҳида қайд этишимиз лозимки, давлатимиз раҳбарининг БМТда, яъни дунёнинг энг юқори минбаридида айтган деяри барча ташаббуслари бугунги кунда тўлиқ кўллаб-қувватланди, амалиётга жорий қилинмоқда.

Шу боис, бу воқеа бутун халқимиз, кенг жамоатчилигимиз қалбида юксак акс-садо берди. Буни биз ижтимоий тармоқларда бўлаётган қизгин муҳокама ва чиқишлардан ҳам кўриб-билиб турибмиз. Жамоатчилик, зиёлилар билдираётган фикрлар ва муносабатлар фикримизга исботдир.

Ўзбекистон мустақил давлат мақомига эга бўлган дастлабки кунлардан халқаро ҳамжамият билан тенг ҳуқуқли, суверен ҳамкорлик олиб бориш йўлидан бормоқда. Хусусан, 1992 йил 2 март куни жаҳон ҳамжамиятининг тенг ҳуқуқли аъзоси сифатида БМТга аъзо бўлган мамлакатимиз ўзаро кўп томонлама шерикликнинг устувор йўналишлари бўйича ушбу нуфузли халқаро ташкилот билан алоқаларни ривожлантириб келмоқда. Кейинги йилларда Ўзбекистон ва БМТ ўртасидаги муносабатлар янги босқичга кўтарилди. Хусусан, 2017 йил 19 сентябрда Президентимизнинг БМТнинг 72-сессиясидаги иштироки ва сўзлаган нутқи Ўзбекистоннинг мазкур тузилма доирасидаги халқаро ташаббусларида янги тенденцияларни намойиш қилди.

Шу ўринда 72-сессиядан кейинги қисқа даврни таҳлил қиладиган бўлсак, биринчи навбатда, давлатимиз раҳбари кўтарган Афғонистон муаммоси,

Оролбўйи минтақасида экологик вазият барқарорлиги таъминланади

Борий АЛИХОНОВ, Олий Мажлис Қонунчилик палатаси Спикери ўринбосари, Ўзбекистон Экологик партияси Марказий Кенгаши Ижроия кўмитаси раиси

Жорий йилнинг 23 сентябрь куни дунё ҳамжамиятининг диққат маркази ва нигоҳи Бирлашган Миллатлар Ташкилоти тарихида илк бор коронавирус пандемияси сабаб янги форматда онлайн мулоқот режимида ўтказилган 75-сессияга қаратилди. Бу бежиз эмас, албатта. Чунки ушбу нуфузли анжуман, ҳали ҳамон ҳукм сураётган глобал фалокат фониди, гоёта тахликали ва мураккаб вазиятда дунё давлатлари ва халқлари ўзаро чамбарчас эканини эътироф этган ҳолда умумсайёравий аҳамиятга молик.

Давлатимиз раҳбари ўз нутқида бутун жамоатчилик эътиборини барча муҳим масалалар қаторида давримизнинг ўткир муаммоларидан яна бири — глобал иқлим ўзгаришларига қаратди.

Ер сайёрасида умумий ҳароратнинг кўтарилиши атроф-муҳит, айниқса, атмосфера зарарланганини билдирувчи асосий кўрсаткичлардан биридир. Атмосфера ҳавоси таркибида қатор зарарли моддалар миқдорининг кўпайиши нафақат ҳароратнинг, балки сайёрамиздаги барча минтақаларнинг иқлими ўзгаришига олиб келмоқда. Бугунги кунда ҳар бир мамлакат бу жараённинг салбий таъсирини ҳис этаётгани, бундай ўзгаришлар Марказий Осиё тараққиётига ҳам катта хавф туғдираётганини таъкидлар экан, Президентимиз ўз вақтида чоралар қабул қилмаслик мамлакатлар иқлими ўзгариши бора-сидаги ҳаракатлар учун катта маблағларни мобилизация қилишларига тўри келиши, иқлим ўзгариши билан боғлиқ ўсиб бораётган глобал таҳдидларга комплекс ечим топиш зарурлигини таъкидлади.

Нутқда айтилганидек, мамлакатимиз ташаббуси билан Оролбўйи минтақаси учун БМТнинг инсон хавфсизлиги бўйича кўп томонлама шериклик Траст фонди тузилди. Ушбу фонд оғир экологик худудда яшаётган аҳолига амалий ёрдам кўрсатиш учун халқаро ҳамжамиятнинг таянч платформаси бўлиб хизмат қилмоқда. Фондга Ўзбекистон ҳукумати ҳар йили 2 миллион АҚШ доллари ажратиши кўзда тутилган.

Дарҳақиқат, иқлим ўзгариши океанлар сатҳининг кўтарилиши, ҳароратнинг ўзгариши, сув ресурслари тақчиллигининг кучайиши, табиий офатлар сони ва турининг ортиши, юқори даражадаги жазиралар тақдорларининг кўпайиши, ҳарорат режими кучайиши натижа-сида аҳоли саломатлиги билан боғлиқ муаммолар ортиши, саҳроланиш жараёнларининг кучайиши каби ва олдиндан аниқ айтиш қийин бўлган бошқа кўпгина оқибатларни келтириб чиқариши мумкин.

Давоми 2-бетда

Эътироф

Ўзбекистон Президентининг ташаббуслари биринчи навбатда Марказий Осиёда тараққиётга қаратилган

Хорижий сиёсий доира вакиллари ва экспертлар Ўзбекистон Республикаси Президенти Шавкат Мирзиёевнинг БМТ Бош Ассамблеяси 75-сессиясидаги видеомурожаатида билдирган ташаббуслари бўйича қизгин муҳокамаларни давом эттирмоқда.

Шержан АҲМАДЗАЙ, Омахадаги Небраска университетининг Афғонистонни тадқиқ қилиш маркази раҳбари:

— Президент Шавкат Мирзиёевнинг БМТ Бош Ассамблеясидаги нутқи диққатга сазовор. Чунки унда минтақавий, хусусан, Афғонистон билан боғлиқ масалалар алоҳида тилга олинган. Сўнги тўрт йилда Ўзбекистон ва қўшни давлатлар ўртасидаги ўзаро маҳсулот айирбошловаш ҳажмининг беш бараварга ортгани Афғонистон ва минтақа учун ижобий натижа ҳисобланади.

Ўзбекистоннинг Марказий Осиёни Покистон орқали Ҳинд океанига чиқишини таъминлаш, глобал иқтисодий, транспорт ва

транзит йўлақларига қўшилиш истаги минтақа аҳолисининг яқин иқтисодий алоқаларни ўрнатишга бўлган узоқ кутилган умидларини амалга ошириши мумкин.

Президент Шавкат Мирзиёев БМТ саммитидаги нутқида яна бир асосий жиҳат — Ўзбекистоннинг Афғонистон қарама-қарши кучлари ўртасидаги музокаралар жараёнидаги иштирокига тўхталиб ўтди. Уйлайманки, урушни тугатиш учун узоқ кутилган умид тез орада ҳақиқатга айланиши мумкин.

Ўзбекистон Президентининг БМТда Афғонистоннинг ижтимоий-иқтисодий ривожланишига кўмаклашадиган доимий кўмита тузиш ҳақидаги ташаббусини рўёбга чиқариш муҳим. Бу Ўзбекистон ҳукумати ўз халқи иқтисодий фаровонлигини ошириш баробарида минтақада тинчлик ва тотувликни ўрнатишга

содиқ эканидан далолат. Шубҳасиз, ўзаро ҳамкорлик ва интеграция барқарор ўсишнинг ажралмас қисмидир, Ўзбекистон эса буни яхши тушунади.

Президент ташаббуслари Марказий Осиёни ягона ва обод минтақа сифатида мустаҳкамлаш билан бирга, Ўзбекистон ва минтақадаги бошқа мамлакатларнинг ўз маҳсулотларини Покистон ва Ҳиндистоннинг йирик бозорларига олиб кириш, экспорт салоҳиятини сезиларли даражада оширишга имкон беради.

Бундан ташқари, шунинг таъкидлаш кераки, Марказий Осиёнинг ушбу сиёсати АҚШ ташқи сиёсатининг устувор йўналишларига тўлиқ мос келади.

Давоми 3-бетда

Давоми 2-бетда

